

Ti Subbot—Kapatgan a Sagut ti Dios (Paset 2)

Naibasar iti kapitulo 5 ti libro nga *Ania a Talaga ti Isursuro ti Biblia?* a mabasa ken mai-download iti jw.org/ilo.

PANGGEP: Adalem a naimbag no ania ti patpatiem ken no apay, sukimate dagiti isursuro ti Biblia, ken kitaem no kasano a mailawlawagmo dagiti patpatiem.



KASANO A TI IPAPATAY NI JESUS APEKTARANNA TI BIAGTAYO?

1 ADALEM A NAIMBAG DAGITI PATPATIEM

Panagkunam, ania ti mabalin a sungbat ti dadduma?

Ania ti *patpatiem*?

Apay a kasta ti patpatiem?

Adu a gunggona ti ipaay ti subbot.


(Kitaem ti kapitulo 5 ti libro nga *Isursuro ti Biblia*, parapo 14-17.)

Basaem ti Colosas 1:13, 14 ken Hebreo 9:13, 14.

Kasano a ti subbot ikkatenna ti nakaro a pannakakonsiensiatayo gapu kadagiti basoltayo?

Basaem ti Roma 6:23.

Kasano a mabenepisiantayo iti agnanayon dagiti matalek a tattao gapu iti subbot?



No kasano a makagunggona laeng ti regalo no usarem dayta, adu met a bendision ti ipaay ti subbot no la ketdi ipakitayon nga adda pammatitayo iti dayta

Masapul nga ipakitatayo ti panagyamantayo iti subbot.

(Kitaem ti kapitulo 5 ti libro nga *Isursuro ti Biblia*, parapo 18-22.)

Basaem ti Juan 17:3 ken 1 Juan 5:3.

Ania ti rumbeng nga aramidentayo a mangipakita nga ap-apresiarentayo ti subbot?

Basaem ti Juan 3:16 ken Santiago 2:26.

Umdas kadi ti basta *panangibaga* a mamatitayo iti daton a subbot ni Jesus?

Kadagiti ania a pamay-an a maipakitam ti panagyamanmo iti subbot?



ILAWLAWAGMO DAGITI PATPATIEM

NO ADDA MANGIBAGA...

Diak mamati a ti ipapatay ti maysa a tao rinibu a tawenen ti napalabas apektaranna ti biagko.

MABALIN NGA ISUNGBATMO...

Mabalin nga adu ti umanamong iti dayta. Ngem mamatiak a ti ipapatay ni Jesus apektaranna ti biagtayo gapu ta...

Ania a teksto ti mabalinmo nga ibasa kenkuana?

Maibatay iti kapanunotan ti kasarsaritam, kasanom nga ilawlawag dayta a teksto?

NO ADDA MANGIBAGA...

Mamatitayo laeng ken Jesus, maisalakantayon.

MABALIN NGA ISUNGBATMO...

Umanamongak a napateg ti pammatitayo ken Jesus. Ngem kombinsidoak a saan laeng a dayta ti kasapulan gapu ta...

Ania a teksto ti mabalinmo nga ibasa kenkuana?

Maibatay iti kapanunotan ti kasarsaritam, kasanom nga ilawlawag dayta a teksto?
